

萬有文庫

第一集一千種

王雲五主編

水經注

(二)

酈道元著

商務印書館發行



水經注

(二)

鄺道元著

國學基本叢書

萬有文庫

第一集一千種

總編纂者

王雲五

商務印書館發行

# 水經注目錄

## 第一册

卷一 河水……………一

卷二 河水……………一六

卷三 河水……………三九

卷四 河水……………五五

卷五 河水……………七六

## 第二册

卷六 汾水 澮水 涑水 文水 原公水 洞過水 晉水 湛水……………一

卷七 濟水……………二三

卷八 濟水……………三七

卷九 清水 沁水 淇水 蕩水 洹水……………五六

卷十 濁漳水 清漳水……………八三

卷十一 易水 滌水……………一〇三

第三册

卷十二 聖水 巨馬水……………一

卷十三 灤水……………七

卷十四 濕餘水 沽河 鮑丘水 濡水 大遼水 小遼水 沮水……………二五

卷十五 洛水 伊水 灋水 澗水……………四四

卷十六 穀水 甘水 漆水 滹水 沮水……………六四

卷十七 渭水……………八六

卷十八 渭水……………九八

卷十九 渭水……………一〇二

第四册

卷二十 漾水 丹水……………一

卷二十一 汝水……………一三

卷二十二 潁水 洧水 潁水 滑水 渠……………二六

卷二十三

陰溝水 汲水 獲水.....五四

卷二十四

睢水 瓠子河 汶水.....六九

卷二十五

泗水 沂水 洙水.....九〇

第五册

卷二十六

沭水 巨洋水 淄水 汶水 濰水 膠水.....一

卷二十七

沔水.....二四

卷二十八

沔水.....三四

卷二十九

沔水 潛水 湍水 均水 粉水 白水 比水.....五〇

卷三十

淮水.....六四

卷三十一

淮水 涑水 灤水 濯水 親水 漁水 湏水.....八〇

卷三十二

涑水 斬水 決水 泚水 泄水 肥水 施水 沮水 漳水 夏水 羌水.....九六

涪水 梓潼水 涪水.....九六

第六册

卷三十三

江水.....一

卷三十四

江水

一六

卷三十五

江水

二六

卷三十六

青衣水

桓水

若水

沫水

延江水

存水

溫水

三八

卷三十七

淹水

葉榆河

夷水

油水

澧水

沅水

浪水

五八

卷三十八

資水

漣水

湘水

灘水

漆水

七八

卷三十九

涇水

深水

鍾水

耒水

洙水

澠水

瀏水

潁水

贛水

廬江水

九四

卷四十

漸江水

斤江水

江以南至日南郡二十水

禹貢山水澤地所在

一〇九

臣等謹案水經注四十卷。後魏酈道元撰。道元字善長。范陽人。官至御史中尉。自晉以來。注水經者。凡二家。郭璞注三卷。杜佑作通典時。猶見之。今惟道元所注存。崇文總目稱其中已佚五卷。故元和郡縣志。太平寰宇記。所引潁沱水。涇水。洛水。皆不見於今書。然今書仍作四十卷。疑後人分析以足原數也。是書自明以來。絕無善本。惟朱謀塹所校。盛行於世。而舛謬亦復相仍。今以永樂大典所引。各按水名。逐條參校。非惟字句之訛。層出疊見。其中脫簡。有自數十字至四百餘字者。其道元自序一篇。諸本皆佚。亦惟永樂大典僅存。蓋當時所據。猶屬宋槧善本也。謹排比原文。與近本鉤稽校勘。凡補其闕漏者。二千一百二十八字。刪其妄增者。一千四百四十八字。正其臆改者。三千七百一十

五字神明煥然。頓還舊觀。三四百年之疑竇。一旦曠若發蒙。是皆我皇上稽古右文。經籍道盛。瑯嬛宛委之祕。響然並臻。遂使前代遺編。幸逢昌運。發其光於蠹簡之中。若有神物撝呵。以待聖朝而出者。是亦曠世之一遇矣。至於經文注語。諸本率多混淆。今考驗舊文。得其端緒。凡水道所經之地。經則云過。注則云逕。經則統舉都會。注則兼及繁碎地名。凡一水之名。經則首句標明。後不重舉。注則文多旁涉。必重舉其名。以更端。凡書內郡縣。經則但舉當時之名。注則兼考故城之迹。皆尋其義例。一一釐定。各以案語附於下方。至塞外羣流。江南諸派。道元足跡。皆所未經。故於灤河之正源。三藏水之次序。白檀要陽之建置。俱不免附會乖錯。甚至以浙江妄合姚江。尤爲傳聞失實。自我皇上命使履視。盡得其脈絡曲折之詳。御製熱河考灤源考證諸篇。爲之抉摘舛謬。條分縷縷。足永訂千秋。耳食沿訛。謹錄弁簡端。永昭定論。又水經作者。唐書題曰桑欽。然班固嘗引欽說。與此經文異。道元注亦引欽所作地理志。不曰水經。觀其涪水條中。稱廣漢已爲廣魏。則決非漢時。鍾水條中。稱晉寧。仍曰魏寧。則未及晉代。推尋文句。大抵三國時人。今既得道元原序。知並無桑欽之文。則據以削去舊題。亦庶幾闕疑之義爾。乾隆三十九年十月恭校上。

總纂官侍讀臣紀昀 侍讀臣陸錫熊 纂修官舉人臣戴震



# 水經注

## 卷六

汾水 澮水 凍水 文水 原公水 洞過水 晉水 湛水

汾水出太原汾陽縣北管涔山

山海經曰北次二經之首在河之東其首枕汾案近刻其下衍東字曰管涔之山其上無木而下多玉

案山海經作其上無木而多草其下多玉汾水出焉西流注於河案西近刻十三州志曰出武州之燕京山亦管涔之異名

也其山重阜脩巖有草無木泉源導於南麓之下蓋稚水濛流耳又西南夾岸連山聯峯接勢劉淵族

子曜嘗隱避於管涔之山案避近刻夜中忽有二童子入跪曰管涔王使小臣奉謁趙皇帝獻劍一口置

前再拜而去以燭視之劍長二尺光澤非常背有銘曰神劍御案御上近刻除衆毒曜遂服之劍隨時變

爲五色也後曜遂爲胡王矣汾水又南與東西溫溪合水出左右近溪案近刻聲流翼注水上雜樹交

蔭雲垂煙接自是水流潭漲波襄轉泛又南逕一城東憑墉積石側枕汾水俗謂之代城案此下近刻

又南出二城間其城角倚翼枕汾流世謂之侯莫干城蓋語出戎方傳呼失實也汾水又南逕汾陽縣

故城東川土寬平峒山夷水地理志曰案近刻作故地理志衍故字脫曰字汾水出汾陽縣北山西南流者也漢高帝十

一年封靳疆爲侯國。後立屯農積粟在斯。謂之羊腸倉。山有羊腸坂。在晉陽西北。石墜榮行。案近刻若

羊腸焉。故倉坂取名矣。漢永平中治呼沱石臼河。按司馬彪後漢郡國志。常山南行唐縣有石臼谷。案

十九字亦注內之小注。蓋資承呼沱之水。轉山東之漕。案近刻資承訛作自都慮至羊腸倉。案慮近刻將憑汾水

以漕太原用實。秦晉苦役連年。轉運所經。凡三百八十九隘。案三近刻死者無算。拜鄧訓爲謁者。監護

水功。訓隱括知其難。立具言。肅宗。肅宗從之。全活數千人。和熹鄧后之立。案熹近刻叔父陔以爲訓積

善所致也。案原本及近刻並脫羊腸卽此倉也。又南逕秀容城東。案近刻脫魏土地記曰。秀容。胡人徙

居之。立秀容護軍治。東去汾水六十里。案汾近刻南與酸水合。水源西出少陽之山。東南流。注於汾水。

汾水又南出山。東南流。洛陰水注之。水出新興郡。西流逕洛陰城北。又西逕孟縣故城南。春秋左傳昭

公二十八年。分祁氏七縣爲大夫之邑。以孟丙爲孟大夫。洛陰水又西。案近刻脫逕狼孟縣故城南。王

莽之狼調也。左右夾澗幽深。南面大壑。俗謂之狼馬澗。舊斷澗爲城。有南北門。門闔故壁尙在。洛陰水

又西南逕陽曲城北。魏土地記曰。陽曲。胡寄居太原界。置陽曲護軍治。其水西南流。注於汾水。汾水又

南逕陽曲城西南注也。

東南過晉陽縣東。晉水從縣南東流。注之。案近刻南字

太原郡治晉陽城。秦莊襄王三年立。案莊近刻尙書所謂旣脩太原者也。春秋說題辭曰。高平曰太原。

案莊近刻

原端也。平而有度。廣雅曰：大鹵，太原也。釋名曰：地不生物曰鹵。鹵，鹽也。案近刻鹽說作鹵，脫一鹵字及也字。穀梁傳曰：中國曰太原。夷狄曰太鹵。尚書大傳曰：東原底平，大而高平者，謂之太原。郡取稱焉。魏土地記曰：城東有汾水南流。水東有晉使持節都督并州諸軍事鎮北將軍太原成王之碑。水上舊有梁，青莽殞於梁下。案青莽近刻說作清莽。豫讓死於津側，亦襄子解衣之所在也。汾水西逕晉陽城南，舊有介子推祠，祠前有碑，廟宇傾頽，惟單碑獨存矣。今文字剝落，無可尋也。

又南，洞過水從東來注之。案過近刻作洞下同。

汾水又南，逕梗陽縣故城東，故榆次之梗陽鄉也。案鄉近刻作縣。魏獻子以邑大夫魏戊也。京相璠曰：梗陽晉邑也。今太原晉陽縣南六十里榆次界，有梗陽城。案近刻說作地。汾水又南，即洞過水會者也。

又南，過大陵縣東。

昔趙武靈王遊大陵，夢處女鼓琴而歌，想見其人，吳廣進孟姚焉，即於此縣也。王莽改曰大寧矣。汾水於縣左，逕爲鄆澤。廣雅曰：水自汾出爲汾陂。其陂東西四里，南北十餘里。陂南接鄆，地理志曰：九澤在北并州藪也。呂氏春秋謂之大陸，又名之曰漚洩之澤，俗謂之鄆城泊。案近刻脫泊字。許慎說文曰：漚水出西河中陽縣北沙。案近刻說作之。西南入河，即此水也。漚水又會嬰侯之水。山海經稱謁戾之山，嬰侯之水出於其陰，北流注於祀水。案祀近刻說作祀下同。水出祀山，其水殊源共舍。案近刻說作其合。注於嬰侯之水，亂流逕中都縣南。

俗又謂之中都水。侯甲水注之。水發源祁縣胡甲山。案近刻源訛作原祁訛作平有長坂謂之胡甲嶺。卽劉歆遂初

賦所謂越侯甲而長驅者也。蔡邕曰。侯甲亦邑名也。在祁縣。侯甲水又西北歷宜藏郊。逕太谷。謂之太

谷水。出谷西北流。逕祁縣故城南。自縣連延。西接鄆澤。是爲祁藪也。卽爾雅所謂昭餘祁矣。賈辛邑也。

辛貌醜。妻不爲言。與之如皋射雉。雙中之。則笑也。案左傳魏子引叔向稱賈大夫事杜預云賈國之大夫是也此誤以爲賈辛王莽之示縣

也。又西逕京陵縣故城北。王莽更名曰致城矣。於春秋爲九原之地也。故國語曰。趙文子與叔向遊於

九原曰。死者若可作也。吾誰與歸。叔向曰。其陽子乎。文子曰。夫陽子行并植於晉國。不免其身。智不足

稱。叔向曰。其舅犯乎。文子曰。夫舅犯見利不顧其君。仁不足稱。案近刻脫此吾其隨會乎。納諫不忘其

師。言身不失其友。事君不援而進。不阿而退。案近刻脫此十六字其故京尙存。案故字近刻訛在其字上漢興增陵於其下。故

曰京陵焉。侯甲水又西北逕中都縣故城南。城臨際水湄。案城臨近刻訛作臨城春秋昭公二年。晉侯執陳無宇

於中都者也。漢文帝爲代王。都此。武帝元封四年。上幸中都。宮殿上見光。赦中都死罪以下。侯甲水又

西合於嬰侯之水。逕鄆縣故城南。晉大夫司馬彌牟之邑也。謂之鄆水。俗亦曰慮水。慮鄆聲相近。故因

變焉。又西北入鄆陂。而歸於汾流矣。

又南過平陶縣東。文水從西來流注之。

汾水又南與石桐水合。卽綿水也。水出界休縣之綿山。北流逕石桐寺西。卽介子推之祠也。昔子推逃

晉文公之賞而隱於綿上之山也。晉文公求之不得，乃封綿爲介子推田，曰以志吾過，且旌善人，因名斯山爲介山。故袁山松郡國志曰：界休縣有介山，綿上聚子推廟。王肅喪服要記曰：昔魯哀公祖載其父孔子，問曰：寧設桂樹乎？哀公曰：不也。桂樹者，起於介子推子推，晉之人也。文公有內難，出國之狄，子推隨其行，割肉以饋軍糧。後文公復國，忽忘子推子推奉唱而歌，文公始悟，當受爵祿，子推奔介山，抱木而燒死。國人葬之，恐其神魂實於地，案實近刻訛作賈故作桂樹焉。吾父生於宮殿，死於枕席，何用桂樹爲？余按夫子尚非璠璣送葬，安能問桂樹爲禮乎？王肅此證近於誣矣。石桐水又西流，注於汾水，汾水又西南，逕界休縣故城西。王莽更名之曰界美矣。城東有徵士郭林宗宋子浚二碑。宋沖以有道司徒徵，案此句有脫誤未詳林宗縣人也。案近刻脫誤未詳辟司徒，舉太尉，以疾辭。其碑文云：將蹈洪崖之遐迹，紹巢由之逸軌。翔區外以舒翼，超天衢以高峙。稟命不融，享年四十有二。案近刻作三建寧二年。案近刻訛作四年正月丁亥卒。凡我四方同好之人，永懷哀痛，乃樹碑表墓。昭銘景行，云陳留蔡伯喈范陽盧子幹扶風馬日磾等遠來奔喪，持朋友服。案近刻脫持字心喪甚年者，如韓子助宋子浚等二十四人，其餘門人著錫衰者千數。案此下近刻衍其碑四字故蔡伯喈謂盧子幹馬日磾曰：吾爲天下碑文多矣，皆有慙容，惟郭有道無愧於色矣。汾水之右有左部城，側臨汾水，蓋劉淵爲晉都尉所築也。

又南過冠爵津

汾津名也。在界休縣之西南。俗謂之雀鼠谷。數十里間道險隘。水左右悉結偏梁。開道壘石就路。縈帶巖側。或去水一丈。或高五六尺。案近刻脫水字。上戴山阜。下臨絕澗。俗謂之爲魯般橋。蓋通古之津隘矣。亦在今之地險也。

又南入河東界。又南過永安縣西。

故斄縣也。周厲王流於斄。卽此城也。王莽更名黃城。漢順帝陽嘉三年。改曰永安縣。霍伯之都也。

歷唐城東。案此四字原本及近刻並誤入注內。接霍伯之都也。下以體例考之。乃經之書法與注異。今改正。

薛瓚注漢書云。堯所都也。東去斄十里。汾水又南。案近刻訛作又東。與斄水合。水出東北太岳山。禹貢所謂岳

陽也。卽霍太山矣。上有飛廉墓。飛廉以善走事紂。惡來多力見知。周武王伐紂。案近刻脫武字。兼殺惡來。飛廉

先爲紂使北方。還無所報。乃壇於霍太山。而致命焉。得石棺。銘曰。帝令處父。不與殷亂。賜汝石棺。以葬

死。遂以葬焉。霍太山有岳廟。廟甚靈。鳥雀不棲其林。猛虎常守其庭。又有靈泉。以供祭祀。案近刻作事。鼓動

則泉流。聲絕則水竭。湘東陰山縣有侯曇山。上有靈壇。壇前有石井。深數尺。居常無水。及臨祈禱。則甘

泉湧出。周用則已。亦其比也。斄水又西流。逕觀阜北。故百邑也。原過之從襄子也。受竹書於王澤。以告

襄子。襄子齋三日。親自剖竹。有朱書曰。余霍太山山陽侯天使也。三月丙戌。余將使汝反滅智氏。汝亦

立我於百邑。襄子拜受三神之命。遂滅智氏。祠三神於百邑。使原過主之。世謂其處爲觀阜也。斄水又

西流逕永安縣故城南。西南流注於汾水。汾水又南逕霍城東。故霍國也。昔晉獻公滅霍。趙夙爲御。霍公求奔齊。案霍公求近刻作霍哀公下同晉國大旱。卜之曰。霍太山爲祟。使趙夙召霍君奉祀。晉復穰。蓋霍公求之故居也。汾水又逕趙城西南。穆王以封造父。趙氏自此始也。汾水又南。霍水入焉。水出霍太山。發源成潭。漲七十步而不測其深。西南逕趙城南。西流注於汾水。

又南過楊縣東。

澗水東出穀遠縣西山。西南逕霍山南。又西逕楊縣故城北。案楊縣二字近刻訛作霍字上晉大夫僚安之邑也。案僚

刻訛作僚公去安

應劭曰。故楊侯國。王莽更名有年亭也。其水西流入於汾水。汾水逕楊城西。不於東矣。魏土

地記曰。平陽郡治楊縣郡西有汾水南流者是也。

西南過高梁邑西。

黑水出黑山西。逕楊城南。又西與巢山水會。山海經曰。牛首之山。勞水出焉。西流注於潏水。疑是水也。潏水卽巢山之水也。水源東南出巢山東谷。北逕浮山東。又西北流與勞水合。亂流西北逕高梁城北。西流入於汾水。汾水又南逕高梁故城西。故高梁之墟也。春秋僖公二十四年。秦穆公納公子重耳於晉。害懷公於此。竹書紀年。晉出公十三年。案近刻訛作介智伯瑤城高梁。漢高帝十二年。以爲侯國。封恭侯酈疥於斯邑也。

又南過平陽縣東

汾水又南逕白馬城西。魏刑白馬而築之。故世謂之白馬城。今平陽郡治。汾水又南逕平陽縣故城東。晉大夫趙釐之故邑也。應劭曰。縣在平河之陽。堯舜並都之也。竹書紀年。晉烈公元年。韓武子都平陽。漢昭帝封度遼將軍范明友爲侯國。王莽之香平也。魏立平陽郡。案魏近刻治此矣。水側有堯廟。廟前有碑。魏土地記曰。平陽城東十里。汾水東原上。有小臺。臺上有堯神屋石碑。永嘉三年。劉淵徙平陽於汾水。得白玉印。方四寸。高二寸二分。龍紐。其文曰。有新寶之印。王莽所造也。淵以爲天授。改永鳳二年。爲河瑞元年。汾水南與平水合。案平水近刻水出平陽縣西壺口山。案近刻尙書所謂壺口。治梁及岐也。其水東逕狐谷亭北。春秋時。狄侵晉。取狐廚者也。又東逕平陽城南。東入汾。俗以爲晉水。非也。汾水又南歷襄陵縣故城西。晉大夫卻擘之邑也。故其地有鰓氏鄉亭矣。西北有晉襄公陵。案近刻脫縣蓋卽陵以命氏也。案命近刻王莽更名曰幹昌矣。

又南過臨汾縣東

天井水出東陘山西南。北有長嶺。嶺上東西有通道。卽鉏陘也。穆天子傳曰。乙酉。天子西絕鉏陘。西南至鹽是也。案鹽近刻其水三泉奇發。西北流。總成一川。西逕堯城南。又西流入汾。案流字近刻訛作南。

又屈從縣南西流



汾水又逕絳縣故城北。竹書紀年：梁武王二十五年，案朱謀譔云：當絳中地壩。西絕於汾。汾水西逕麗祁宮北。橫水有故梁，截汾水中，凡有三十柱，柱徑五尺，裁與水平。蓋晉平公之故梁也。物在水，故能持久而不敗也。又西逕魏正平郡南，故東雍州治。案近刻脫雅字。太和、中皇都徙洛，罷州立郡矣。又西逕王澤。案本訛作王橋。近刻訛作正橋。考原過受竹書于王澤，卽此地。今改正。澮水入焉。

### 又西過長脩縣南

汾水又西與古水合。水出臨汾縣故城西黃阜下，其大若輪，西南流，故溝橫出焉。案溝橫，近刻訛作橫溝。東注於汾。今無水。又西南逕魏正平郡北，又西逕荀城東。古荀國也。汲郡古文：晉武公滅荀，以賜大夫原氏也。古水又西南入於汾。汾水又西南逕長脩縣故城南。漢高帝十一年，以爲侯國，封杜恬也。案杜，近刻訛作莊。有脩水出縣南，而西南流入汾。汾水又西逕清原城北，故清縣亭也。城北有清原，晉侯蒐清原，作三軍處也。汾水又逕冀亭南。昔白季使過冀野，見郤缺耨，其妻饁之，相敬如賓。言之文公，文公命之爲卿，復興之冀。京相璠曰：今河東皮氏縣有冀亭。古之冀國所都也。杜預釋地曰：平陽皮氏縣東北有冀亭，卽此亭也。汾水又西與華水合。水出北山華谷，西南流，逕一故城西。俗謂之梗陽城，非也。梗陽在榆次，不在此。按故漢上谷長史侯相碑云：侯氏出自倉頡之後，踰殷歷周。案歷，近刻訛作立。各以氏分，或著楚魏，或顯齊秦。晉卿士薦斯其胄也。食采華陽。今蒲坂北亭，卽是城也。其水西南流注於汾。汾水又逕稷山北，在水